

## Concursc dl' Agenzia dles Entrades de Balsan

### Al vá ince debojëgn dl atestat de bilinguism (talian - todësch): ci él pa y co le ciafon pa

L' Agenzia dles Entrades scriará tosc fora n valgügn concursc por le terzo (funzionars aministratifs – tributars - requisit laurea) y le secundo nivel funzional (assistënc aministratifs - requisit diplom dla matura) por la Provinzia de Balsan (ofizi de Balsan, Maran, Porsenú y Bornech).

Por tó pert ala prozedöra de seleziun por le secundo nivel funzional vál debojëgn d'avëi, a pert d'atri requisic, l' atestat de bilinguism "B2". Por lauré tl' aministraziun publica tl Südtirol mësson avëi l' atestat de bilinguism, che vegn paié cun l' indenité speziala de secundo lingaz.

L' atestat vëgn dé fora dal Sorvisc Ejams de bi- y trilinguism dla Provinzia autonoma de Balsan sce:

- an passa l' ejam ti dui lingac pro l' ofize nominé dessura;
- an dá jö dui certificac linguistics de nivel B2, un por le lingaz todësch y un por le lingaz talian;
- an dá jö le certificat linguistich de nivel B2 por un n lingaz y passa l' ejam tl ater lingaz.

De plü informaziuns sön l' atestat de bilinguism é da ciafé sön la [plata internet](#) dla Provinzia autonoma de Balsan.

I concursc vëgn publicá sön chësta plata internet:

<https://www.agenziaentrate.gov.it/portale/web/guest/concorsi2>



**Important:** an mëss dé jö le certificat de portignëza o agregaziun a un di trëi grups linguistics.